

福建通志



福建通志



福建儒林傳卷一

五代

陳雍字致堯莆田人博通諸經善文辭憲章典故上斯諸練和仕閩去而入南唐保大中以通禮及第授太常博士嘗進祖宗配郊位議其略曰諸郊祖宗之文有以遠祖而配者始封之君是也若皇唐奉太祖景皇帝冬至配園丘夏主配方澤法周人郊后稷之義有以近祖而配者受命之君是也若高祖神堯皇帝孟春配祈穀法周人祖文王之義太宗文皇帝孟夏配雩祀法周人宗武王之義我烈祖再造區宇建七世之廟奉高祖居昭穆之上景皇帝不在太祖之位故以高祖配天地太宗配雩祀所以配雩祀者蓋興復以來未暇祈穀之祭故也竊以烈祖功格上玄中興垂統禮合隋升之義位崇昭配之文不若建孟春祈穀一祭以太宗從下佐食然後率列祖高皇帝孟夏配雩祀庶使尊祖之禮得申齊聖之食無曠事卜尙書省眾官定議是時制度疎略尊卑淫侈雍奏保大以來條約庶民

福建儒林傳 五代

一

福建通志 卷三八

居止告宇閭架無過高大衣服車馬各有彰別今者市廛閭閻之閒銷金畫繪爲婦人裙衣中被之類爭競紛華漸漬成俗既而正金銷盡朽壤同歸數年之閒簪蓋尤甚陛下卽位十有三載躬行節儉未嘗恩佚而於有司之官法度不考憲式不彰臣竊惜之乞宣下所司特頒嚴勅漸變頽風報可吉州請旌孝子瞿處圭等門閭中書舍人張緯以爲鄉民苟避徭役旌之則起相倣效格弗行雍言自古以來孝義者閭者絕鮮陛下盛德所感相繼慶者三人而已懲惡本欲人輕賞善本欲人勸果其遞相倣效則是陛下敦勸之有職也如不做倣旌表何爲後主煜納后閨元禮久多闕雍習知沿革隨事補正煜使徐鉉與潘佑參議佑立論以沮之雍既不爲眾所喜故久困下僚開寶末煜入宋除祕書監致仕比至家陳洪進辟掌書記未幾辭去嘗撰五禮儀鑑好事者復編其南唐諸禮論爲曲臺奏議云 江南雜書八閩通志閩書

案江南餘載作陳致堯雍是名雍字致堯也而八閩志閩書作致雍而

無字蓋涉致堯而誤耳

福建儒林傳 五代

二

福建通志 卷三八

宋

宋咸字貫之父樂守太子中舍致仕由南昌徙建陽生咸登天聖三年進士乙科應知尤溪縣端公廉判決無滯重建廟學教養有方累官知邵武軍立學置田以養士慶歷元年除大常博士知瓊州瓊僻在海外舊未置學咸奏請設學賜經史以變夷風諸生讀五經於先聖廟建尊儒閣暇日親為講授置學田以資膏火由是州人始知學校守韶州奏誅悍卒境內肅然伙青經制廣西薦咸為轉運判官邕州賊平以功轉職方員外郎仍留任尋遷轉運使嘉祐六年交趾與甲峒蠻寇邕州詔經畧使蕭固發諸郡兵赴邕州咸及提刑李師中咸多慮外任每任所撰著輒為一集一時諸賢皆為之序有易註毛詩正紀外義論語增註揚子法言註朝制要覽諸書而所註易及法言大為歐陽脩所稱五世孫翔萬姓統譜閩書道福建儒林傳宋

福建通志卷三八

翔字子飛一字志騰七歲時劉子輩命賦燈詩援筆立成大為所稱實紹興一二年由童選第進士參官國子監簿受知張浚為浚十客之一時韋太后既歸慈寧宮祥瑞交至翔獻紹興樂府十二章一時文譽隱然動京師尋差湖南帥司參議以朝散大夫致仕有梅谷集謝書阮逸字天隱仙遊人天聖五年進士調鎮江軍節度推官景祐初詔天下有深達鍾律者所在以名聞知杭州鄆向言逸通知古樂上其所撰樂論十二篇并律管十二召逸詣闕命同禮賓副使邵保信湖州鄉貢進士胡瑗校定舊鍾律逸專主分方法取上黨杞黍大者量度求尺製黃鍾之律復進周禮度量議詔翰林學士丁度等詳考得失度等言逸以大黍為尺小黍實為自辰本法而度量議欲先鑄嘉量然後取尺度權衡法亦疏舛不可依用右司諫韓琦復論逸與瑗保信所造鍾律遠乖古逸乃上言臣前蒙召對言王朴律高而李照鍾下竊觀御製樂髓新經歷代度量衡篇言隋書依漢志黍尺制管或不容十二百或不啻九寸之長此則班志

已後歷代無有符合者惟蔡氏銅侖本得於周禮遺範豈自知音所以只傳銅侖積成嘉量則是聲中黃鍾而律本定矣謂管有大小長短者蓋嘉量既成即以量聲定尺也今議者但爭漢志黍尺無準之法殊不知鍾有鈞石量衡之制臣所以獨執周禮鑄嘉量者以其方尺深尺則度可見也其容一補則量可見也其重一鈞則衡可見也聲中黃鍾之宮則律可見也既律管量衡如此符合則制管歌聲其中必矣臣見鑄成銅甌欲乞再限半月更鑄嘉量乃取李照新鍾就加修整務合周制鍾量遺法復下度等參定度等皆以為非詔悉罷之然猶以鑄造推恩除逸鎮安軍節度掌書記康定元年入為太中充上鍾律制議并圖三卷慶歷初遷太常寺丞三年始置武學以逸為武學教授已而學廢政策國子監丞尋為睦親宅教授會與宗室倡和逸有易立泰山石難枯上林柳句想家道逸謀不軌方下吏治而逸復坐他事遂除名勒停竄遠州皇祐二年將祀明堂言者以為鍾鍾持磬未協音律復召逸赴大樂所同太常寺定鍾聲制慶明福建儒林傳宋

福建通志卷三八

年十二月鑄成召兩府及侍臣親新樂於紫宸殿賜名大安然逸所造視舊樂止下一律而鍾聲倉鬱震悼不和蓋其五年詔南郊始用舊樂其新定大安樂惟用之常祀及朝會遂以制律成復勒停為戶部屯田員外郎既而翰林學士胡寅言新樂未施郊廟先用於朝會非先王薦上帝配祖考之意仁宗以為然逸樂遂不復用入閣通志閩書蔡元鼎淳浦人號家齋少以文章自豪宋初履徵不就講學大帽山生徒千人著有中庸大學語孟講義洪範會元雜類詩入閣通志道光舊志吳琬字君謨國寧人景祐初擢甲科為侍御史知諫院以言事出知濠州累官提點京東路刑獄所著有周易通神五卷及揚子註太玄要覽嘆春秋三傳同異欲作集解因乞閒郡除同安入閣通志閩書茅知宅仙遊人操尚介潔不求聞達請明六經之道以淑後進邑自五季以來文士多尚詞賦知至始以經學倡蔡襄極敬重之稱為宿儒老儒轉運使龐籍薦於朝景祐四年授國子助教著有周詩義二十卷至性書二

周希孟字公嗣侯官人通五經尤邃於易與陳列陳襄鄭穆為友聞人號四先生知州劉夢曹穎叔蔡髮皆親至學舍質問經義既而部使者相繼論薦詔賜粟帛授將仕郎試國子監四門助教充本州學校三才力辭不許卒門人曾仇等七百人相與塑像祠于五福寺有詩義春秋義并文集行世

八閩通志

陳祥道字用之閩清人山志作祐之本詳就是治平四年進士歷官國子監直講遷太學博士元祐七年以所撰儀禮注解及禮書上於朝給事中范祖禹言祥道用意專精求之諸儒未見其比乞付太常以備禮官討論詔送兩制看詳除祥道秘書省正字兼館閣校勘上言禮文有合行改正者貴人賤馬古今所同觀馬在庭而侯氏升堂致命聘禮亦馬在庭而賢升堂私觀今元會儀御馬立龍輝之上王公侍從班在丹墀雖居馬前而特進以下皆在沙墀實居馬下不稱尊賢賤馬之意臣竊謂元會儀草福建儒林傳宋

三

總卷三八

輅既在庭中若以御馬在庭輦馬相須於義為允從之祥道博治典故朝廷禮儀多所質正自言由漢以來千有餘載其閒欲起禮法於上者非一君欲成禮法於下者非一臣有是君而下不足副之則禮道終不明有是臣而上不能任之則禮事終不行此龐政薄俗所以繼作也議論甚醇正時不能行明年除太常博士賜緋衣祥道初仕時父公人死而祥道任其罪久廢中閒為太學博士亦坐累故仕宦二十七年而官止於宣義郎至是賜緋不踰旬而卒弟賜

賜字晉之紹聖元年試賢良方正能直言極諫科中第五等推恩

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

紹聖制科未指為六科中何科四朝聞見錄謂議科議兼茂科中選考呈

令知音律者參驗行之遷太常寺丞時魏漢津講樂用京房一變四清法

賜曰五聲十二律樂之正也二變四清樂之蠹也二變以變宮為君四清以黃鍾清為君事以時作固可變也而君不可變大簇大呂夾鍾或可分也而黃鍾不可分既有宮矣又有變宮既有黃鍾矣又有黃鍾清非古人尊無二上之旨宰相蔡京方右漢津絀賜議還鴻臚太常二少卿進禮部侍郎即以顯閣待制提舉禮泉觀賜論樂以周官圓鍾函鍾黃鍾為宮如三統三正不過子丑寅而上頗與他家異其言古無一變四清欲盡去之亦多為後人所詆然於歷代製樂源流以及器用舞曲無不該洽前此樂家未有比也樂書外著有禮記解義十卷孟子解義十四卷北郊祀典三十卷以上宋史東都事略

黃君俞字廷賓莆田人父問博通五經制上林義塾以聚英俊君俞少強學著書名動京師嘗試開封第一四黜於禮部治平四年知制誥鄭獬御史中丞陳南參政吳奎交章論薦新進士許安世等二百餘人上書闕下福建儒林傳宋

四

總卷三八

乞輅所得恩命俞君俞族子隱亦在內遂以隱所議召試除撫州司戶歷興州軍事推官知鎮江軍金壇縣熙寧十年陳襄為樞密院直學士奏言君俞力學篤行高出輩流博通諸經多所撰述晚年謹身率職其操彌勵乞置之館閣詔以為崇政殿校書改館閣校勘未幾卒有六經闕旨四十八卷閩書山谷全書

周謂尤溪人熙寧六年登進士第歷知廣州新會縣會王安石行新法郡縣風靡謂獨不奉行致書政府力陳其弊因求歸田里所著有孟子解義禮記說一時間生稱為周夫子同郡王端字道原善講學最為范祖禹所重嘉祐八年進士中第八閩通志

八

總卷三八

劉說字應伯福清人父處約皇祐元年第進士官至殿中丞說登熙寧九年進士第歷莆田主簿知無為軍廬江縣崇寧元年詔置大樂講議局博求知音之士說素通律呂召為講議司檢前官四年充大晟府典樂說嘗上歷代雅樂因革及宋制作之旨故表以樂事至是復言周官大司樂樂

淫聲慢聲蓋孔子所謂放鄭聲者今燕樂之音失於高急曲調之詞至於鄙俚恐不足以召和氣宋火德也音尚徵徵調不可闕臣按古制旋十二官以七聲得正徵一調惟陛下裁取嚴宗曰卿言是也五聲闕一不可徵招角招爲君臣相悅之樂朕所欣聞卿宜爲朕司之他日禁中出古鐘二韶執政召詵按於都堂詵曰此與今太簇大呂聲協取大晟鐘扣之果應又曰鐘聲之無餘韻不如石磬詩所云依我磬聲者言其清而定也復取磬以合之聲益諧乃詵頒詵所上徵聲令大晟府同教坊依譜按習時宰相蔡京方用劉昂爲大司樂編修樂書詵說終不盡行也歷宗正鴻臚衛尉太常諸寺少卿後奉詔纂輯因革禮器卒子彥適國書作登崇寧五年進士官至廣西經略使再知徐州宋史關書

黃善字仲實浦城人震曾孫也其從祖鑑名尤著貢元祐中登第爲懷縣尉居官不能俯仰罷去再起爲宣城丞久之調奉新令不赴少年時嘗著易傳推明大衍之數號精確云八閩通志

福建儒林傳宋

五

福建通志卷三八

張翊字舜元仙遊人恬淡好學尤用心於易以爲繫辭者聖人所以翼經大例當在於此乃屏置諸家傳注獨執經誦之凡三十年久而忽悟引鼓自掩竟日不已乃以所得著爲易解大約謂聖人作易以前民用推原象數一字皆有所本上極道德性命之理下及昆蟲草木之微禮樂典章法度可指吉凶悔吝動靜先知凡數百條翊初章惇以其書上詔付秘書省賜號葆光處士三年朝奉郎林伸等百五十三人列薦於守帥邵使者奏上劾授福州司戶參軍充泉州教授未赴官卒黃裳撰序萬壽撰序閩案乾隆續通志人物傳張珂葆光處士翊子紹聖間以明經官右正言兼樞密院編修元祐諸臣謫嶺南珂申救不納願與同貶慷慨登途未至貶所而卒云云考莆陽比事莆陽又獻宏治興化府志八閩通志閩書皆不言翊有子珂朱彝尊經義考載章惇獻制易解事亦無珂名續志本於乾隆間陳興祥所修縣志恐沿譜牒之訛附辨於此

倪登字彥及福清人元符三年進士宣和初朝請大夫以取燕雲使沒

于王事贈太中大夫有論語解行世 閩書
鄭廷分字國章興化人大觀三年進士累太學博士提舉漳州路常平成都路轉運使爲文華贈雅正自成一家有易索隱等書 閩書

潘殖字子醇浦城人自號浩然子大觀中兩以鄉薦上禮邪不遇建炎二年始由特科得官調興州推官初好王安石學後悟其非用力克己至忘寢食久之有得著易說忘筌書推明象數圖變圖書宗旨復以九疇與卦德變方不同而引類則一各演爲圖劉子翬稱其得學易門戶於易之復胡憲劉勉之皆喜之而殖每自謂學從窮神入人莫測其闢奧也 閩書
吳駿字希遠浦城人元豐八年第進士調上黨薄薦知虔化縣通判永州以謫謫池陽政和初中丞吳執中抗章爲辯其枉通判歸州未幾告老所有詩解二十卷文集十卷 閩書

何允字太和邵武人重和元年進士調廣西提刑司檢法官東平馬伸撫諭廣南見允賢之奏爲屬因授以所聞於程氏之說且悉以平生出處大福建儒林傳宋

六

福建通志卷三八

節告之既而伸坐論時事貶死允歸守其學不少變紹興中爲辰州通判觀郵報秦檜自陳存趙之功謂他人莫預允徑取所報伸事狀達尚書省以明伸移書爲楚斥使避位之節檜惡其分已功下允判南詔獄創官貶竄檜死始復官所著有易傳學者稱龜津先生 八閩通志

鍾字叔京允之子承家庭源委又與朱熹友善講辯精密一意操存言行相循沒身不懈以父任補安溪簿未赴江西帥辟機宜再調汀州上杭丞治尚寬簡白罷無名征賦部使者鄭伯熊病郡事不理繫者或至累月乃檄鍾佐其守鍾悉取文書閱視得其情持白守決遣之旬日皆盡又以田稅不均貧弱受病條其說甚詳而守顧不悅鍾即謝去一時高其學行多師尊之循資調潭州善化令將行而卒鍾論經史時事簡易條暢賞扁其書堂曰高遠以見志有易學語說彙謂可傳者又有臺溪集數十卷學者稱臺溪先生 八閩通志
王普字伯照閩縣人登宣和三年進士第歷太常博士紹興初輔臣請以

太牢祭祀天地普言故事惟大贊明堂用太牢乃止用犢四年遷國子監丞上明堂典禮未正者十一事一謂陶匏用於郊丘玉爵用於明堂今明堂兼郊禮宜用陶匏他日正宗祀之禮乃奉玉爵二謂禮經太牢以牛羊豕爲序今用我將詩先羊豕而後牛所謂以辭意者三謂陳設尊壺宜倣周官司尊彝秋嘗之制四謂泛齊醴齊宜代以今酒而不異其名五謂三禮圖祭器不合於古請用政和新禮改造六謂寬服衣裳舊式欲並正訛謬一從周制七謂皇帝未後詣齋室則是致齋二日有半乞用質明以成三日之禮八謂齋不飲酒茹葷行事官宜勿給酒饌俾得專心致志交於神明九謂設神位版及升煙奠册不當委之散吏十謂古者既作詩從而歌之然後以聲律協和而成曲自歷代至於本朝雅樂皆依此法崇寧以後乃先製譜後命詞於是詞律不相諧協與俗樂無異乞仍倚詞製譜十一謂黃鐘堂下之樂大呂堂上之樂郊祀皇帝版位在階下故還位之樂當奏黃鐘明堂版位在階上則還位當歌大呂今明堂禮不下堂而福建儒林傳末

七

福建通志卷三八

襲郊祀還位例並奏黃鐘之樂於義未當詔下禮官討論施行尋轉太常寺丞六年普復奏言宗廟之制與禮不合僖祖非始封之君而尊爲始祖太祖實創業之主而列於昭穆其失自聖寧始宜祖當遷而不遷翼祖既遷而復祀其失自崇寧始謹案禮經太祖卽廟之始祖是廟號非謚號惟我太宗嗣位之初太祖皇帝廟號已定雖更累朝世次猶近每於祫享必虛東鄉之位以其非太祖不可居也臣謂自僖祖至於宣祖親盡之數當遷自太宗至於哲宗昭穆之數已備宜奉太祖神主居第一室永爲廟之始祖每歲五享告朔薦新止於七室三年一祫則太祖正東向之位太祖仁宗神宗南向爲昭真宗英宗哲宗北鄉爲穆五年一禘則迎宣祖神主享於太廟而以太祖配焉宣祖皇帝實生太祖當爲神主無可疑者如是則盡合禮經無復前日之失矣先是起居舍人董敦嘗有是請詔侍從臺諫過防秋集議及普疏入乃趣禮官參詳後二日高宗謂右僕射趙鼎曰太祖開基創業始受天命祫享居東鄉之位普所言不可易也既而臣僚

議有異同卒不行十一年權部官員外郎明年普安郡王出閣普奉詔同吏部太常各官議禮尚書吳表臣等謂國本未立當從厚以繫天下望遂取皇子出閣例上之高宗不悅詔責表臣等討論典禮不詳具祖宗故事舊坐是並罷十九年添差通判邵州普素爲秦檜所嫌數歲不遷巧祠主管台州崇道觀檜死始起提舉江南東路常平茶鹽公事三十一年召除禮部郎中轉對論取士分科之弊以爲後生舉子範習詞章而通經老儒存者無幾望詔有司將國學及諸州解額各以三分爲率其二以取經義其一以取詩賦仍於經義中優取三禮春秋歷幾兩科可以並行而無偏廢之患事下禮部國子監看詳申尙書省逾數月權太常少卿孝宗受禪假工部侍郎充送件大金報登寶位國信使還朝普經術湛深議論絕貫朱子嘗評福州前輩明禮者三人普最優劉漢次之任文薦又次之漢子昭信著易解五卷有曰見險而止爲需見險而不止爲訟能通其變爲隨不能通其變爲蠱終布衣

八

福建通志卷三八

女薦字遠流著六經章句登紹興進士官祕閣修撰王十朋稱其直道立朝以上萬曆福州府志追南原委道北舊志江琦字全叔建陽人宣和三年登第調筠州高安主簿部使者知其材檄攝新昌令民有負稅十年者琦字以德信輸將告具將去父老三謂郡丐留尋移信州永豐縣丞丁內艱服除得邵武軍教授復以父憂去廬墓三年畢補永州學教授誘接後進聲譽不倦生徒來者溢百員往往裹糧而從爲居選調二十六年未嘗求薦達終繼繼關學士張浚安撫福建欲辟琦置幕殿不就巧祠主管台州崇道觀未幾卒琦在永豐邵武執喪陳友合贈甚厚琦曰大事當自竭矣敢爲諸公費謝却之其於朋友重信義有寸長輒警誦之惟恐人弗聞過失亦面折不少貸單思春秋之學著春秋經解三十卷楊時見而稱之又著辨疑一篇語孟說各五卷

閩書通志原委道北舊志

陳統字戒叔龍溪人宣和間以特科調貴州法曹當路交薦後又登紹興三十年進士第初尉長汀再授恩平新與二州教授終龍南令著有周禮

吳械字才老建安人時號通儒宣和六年進士召試館職不就浮沉州縣
紹興間始除太常寺丞十二年遣孟忠厚為迎護梓宮禮儀使忠厚請禮
官偕行乃以命械忠厚械妻兒也貧往依焉使還忠厚自建康移守紹興
府會郊赦加恩械代為謝表中有本無時才出為世用語秦檜以為議已
諷言者論之詔令分析忠厚惶恐上疏自明請久疏筆墨實情他人不敢
問檜物色知械所為劾罷之逾年兼差通判泉州剛直有謀明恕能斷悍
卒謀亂一郡洵洵才老命戮數人談笑定之泉人傳自得聞械博通古學
從之遊往復辨質序其論語十說行於世械為學好考訂訓釋所著有書
神傳詩補音及論語集註指掌考異語解韻補續解楚詞釋音等書朱熹
雅重之謂近世訓詁之學惟械及洪慶善為優云 八閩通志 檜墓三條東
越文苑
黃顏字全仁福清人紹興二年進士有六經習易春秋論語說前人多示
之稱葉山先生林栗傳其學 閩書

福建儒林傳宋

九

福建通志
總卷三八

陳知柔字體仁永春人祖從易自有傳知柔紹興十二年進士第四人與
秦檜子熈同榜授白州判官辯釋冤盜四十餘人教授建章二州歷知循
州賀州終福建安撫參議時同榜前列藉檜之力俱致通顯知柔獨錮
無仕進意自號休齋居士雅好山水編遊浙廣諸名山嘗泛豐湖登白鶴
峯和東坡詩前後四奉祠諸生從者戶屨常滿寓僧房四壁蕭然作賦讀
經忘其貧老著易本旨易大傳易圖春秋義例古學圖詩聲譜論語後傳
詩話梅青傳詩騷古賦雜著行世王十朋贈詩略云大陳如金玉一室清
無塵曾中包今古筆下真有神講席延諸生黃卷响古人異端斥佛老吾
道鳴孟荀其卒也朱子為文祭之

機字介行知柔從子學問該貫吟情詠物信筆立成若不經思自出人意
表嘗有讀易詩云從此不除窓外草要觀天地發生心 以上八閩通志 閩
書
鄭耕老字穀未莆田人父安正少負才學以儒術名一時名士多從之遊
而早卒母林氏有專行切切課子耕老登紹興十五年進士第主懷安縣

簿遺母憂喪除歎曰祿不逮親矣求仕何為復廬墓二年出調温州法曹
以不聽用常平錢州守意欲捨去友知邵郡者固止之改明州教授州
遭父真焚蕩之餘學陋教弛耕老更營學田為鄉飲費親講說士風不變
於是薦耕老知經術者甚眾召對言太祖嘗問趙普天下何物最大普曰
道理最大臣謂知道理為大則必不以私意而失公中孝宗悅擢國子監
主簿尋添差福建安撫司機宜文字秩滿徑歸築精舍於邑南破終馬耕
老素厭聲律聲聲者有詩周易洪範中庸論語孟子訓釋著仁義禮智扶
中截流等論推明聖道歸於中正不偏常行不厭母墓有小精廬南陵木
蘭溪有草堂堂南曰折春亭無雪臺耕老每任來其間具舟楫琴書晴光
月夕不從賓御更猶溪上忘其近遠嘗撫書語其子曰時不我知我死若
藏此書南陵上而已兄箕老特奏名 水心集 甫陽文獻道光舊志

劉翔字圖南浦城人通諸經尤注意于易以累舉得官調斬春縣尉紹興
十五年表上其所著易卦辭有旨付監學官看詳監學官以通達經旨奏
福建儒林傳宋

福建通志
總卷三八

十

福建通志
總卷三八

聞特授福州教授授任初謂教官實風化所係要當上不負天子次不負
州郡下不負子弟入學之意在官四年軒輊抑揚盡合公論再任漳州教
授多士歸心卒于官有經進易解十卷翰林洪邁為之序 八閩通志 閩書
李棹字若林閩縣人與兄朋及林之奇俱受業呂本中之門後領鄉貢其
學以孝弟忠信窮經博古為主及門之士皆渾厚質實志尚修潔黃幹稱
之曰吾鄉儒學彬彬以文詞行義為後進宗師若林其傑然者也若毛詩
解自號迂齋學者稱迂齋先生 道南原委八閩通志 道光舊志
林文昭字宗範福清人有論語解一卷 八閩通志

梁南一字力行晉江人紹興十八年進士居鄉講授從游者甚眾有六經
辯疑行世 八閩通志
江致堯字聖前惠安人五世祖仲苜宋初說陳洪進納土賜進士出身官
至大理司直致堯好學力經紹興十八年特奏任法曹雖處官冗不廢丹
鉛有周禮解其詩與晉江處士丘崇齊名 閩書

鄭樵字漁仲莆田人世稱夾漈先生父國器太學生嘗歸田桑梓洋歐鄉人德之宣和中自太學歸追卒樵年十七徒步歸喪結廬越王山下從兄厚苦學親執斲養廢博從講學者甚眾既卜築夾漈山謝絕人事究心經旨禮樂文字天文地理昆蟲草木方書之術皆有論辨夜則仰察象緯至忘寢食後益出遊名山山川所過存書家必宿借讀因之一時名流如趙鼎張浚皆器之樵亦自負不下揚雄劉向紹興十九年授迪功郎上書畧曰臣本山林之人欲讀古今之書通百家之學討六藝之交如此一生則無遺恨忽忽三十年不與人間流通事所以古今之書稍經耳目百家之學粗識門庭不圖晚景獲見太平松筠之節不改歲寒葵藿之心難忘日下切見兵火之餘文物無幾陛下留心聖學篤志斯文擢用儒臣典司東觀內外之藏始有條理百代之典燦然可觀臣伏觀秘書省歲歲未書之勤臣雖身在草萊亦欲及茲時效尺寸今天下圖書若有若無臣雖不一見之而皆知其名數所在謹搜盡東南遺書古今圖譜又盡上代之鼎

福建儒林傳

七

福建儒林傳

奏與四海之銘碣遺編簡各有倫次天篆梵書亦為釐正於是提數百卷自作之書徒步二千里來趨闕下欲以纖塵而裨高華涓流而益滄海也念臣困窮之極而寸陰未嘗虛度風晨雪夜執筆不休厨無烟火頌聲不絕十年為經旨之學以其所得者作書考書辨訛作詩傳詩辨妄作春秋傳春秋考作譜經序略作刊謬正俗跋三年為禮樂之學又以其所得者作譜法作運記儀作鄧欽禮圖鄧欽駁議作系聲樂府三年為文字之學以其所得者作象類書作字始連環作續汗簡作石鼓文考作梵書論作分陰之類五六年為天文地理之學為蟲魚草木之學為方書之學以天文地理之所得者作春秋地名譜百川原委圖春秋列國圖分野記作大象畧以蟲魚草木之所得者作爾雅註詩名物志本草成書本草外類以方書之所得者作鶴頂方食鑑採治錄畏惡錄八九年為討論之學為圖譜之學為亡書之學作群書會記校讎補論書目正訛作圖書志圖譜有無記氏族志作求書闕記求書外記集古系時錄集古系地錄此皆已

成之書也其未成之書在禮樂則有繪圖圖在文字則有字譜字譜之書在天文地理則有天文志郡縣選舉志在魚蟲草木則有動植志在圖譜則有氏族志在亡書則有亡書備載三二年間可以就緒如遺書之文論說之集雖多不與焉奈秋先蒲柳景迫桑榆若一旦條先朝露則此書與此身俱廣滿壺不惟有負平生亦有負於聖時謹繕為十八部百四十卷恭詣簡院投進其餘卷帙稍多恐煩聖覽萬一臣書可採望賜片許臣料理續當上進得展盡底溫然後鵬歸憲帳正首丘庶幾履陛下之地食陛下之粟不辜為陛下之一民也詔以其書藏秘府二十七年復以侍講王綸疏薦召對言臣處山林三十餘年修書五十種皆就尙欲取歷代之籍始三皇終五季彙輯為一名曰通志體參馬班法則稍異謹上覽十二篇名修史大例其言歷代史家之非高宗曰問卿久矣何晚始見授禮兵部架閣為御史葉義問所忌劾之改監潭州南嶽廟給筆札令寫上所著通志書成拜樞密院編修因乞骸中秘書忌者復毀之事寢居數

福建儒林傳

七

福建儒林傳

歲乃卒年五十九道光舊志樵好著書性枯淡好施與居鄉終不諂守令雖詔給筆札寫書未嘗取領金人犯邊樵言歲星在宋虜酋必自斃已而果然所著通志二百卷外有西溪集五十卷及未刻書數十種宋史謂南

林維屏字邦援福寧人少從眉山師維藩游通性理學而於易詩書尤有

造詣梁克家判福州延禮郡庠講道受業者一時雲集所著有易本論六十四卦論洪範三類封建藩鎮五朝春秋等論解柳辨疑語錄諸書學者稱榕臺先生同邑王謨字君定及其子宗望皆從維藩受業維藩稱宗望文大似唐子西宗望學有源委而於器數制度攷較尤精云道南原女道潘植字立之懷安人父滋為林之奇高弟閩縣黃幹管師之傾少穎悟尤熟史學眾勸以童子應試滋曰躁進速成非教也植既長滋命往武夷從朱熹學植遂與弟柄偕行熹謂之曰立之有說得到處數年歸習識益進日以濂洛諸書磨礱浸灌視舉子業若將浼已者生平於親友之誼尤篤

每見必遲留竟日喜聞人急至斥家人簪珥以爲鄉閭有爭訟者輒詣植求決植爲之平曲直以義理開譬各釋其疑

兩字謙之從朱子時年方十六朱子悉以所學授之取聖賢格言而櫟括呂氏鄉約繼其後凡存心養性之道律已治人

宋野遺民集十卷

黃鍾字器之興化人唐忠義司徒弼之後祖龍評事父修知翁源縣鍾從舅氏陳昭度學議論粹然出於正乾道中登第調德化尉待次閒居稽

釋史史錄三皇五代皆作紀傳曰史要又有周禮集解荀揚續註杜詩註釋史史錄書晚究心內典作傳燈節錄德化秩滿調潭州錄事參軍以歸

黃補字彥博號吾軒又字季全莆田人父端第紹興中進士歷惠州教授終安溪縣令補侍父惠州時永嘉陳鵬飛謫居于此因得師友之已而以其學教授於鄉及門者數百人時林光朝講學城南浦在城東幾與齊名乾道八年登特科授高州文學調高要尉著有九經解論語人物志等書

熊以寧從朱熹游淳熙五年進士授光澤簿剛直正大一介不妄取予嘗曰學顏子之學志伊尹之志分內事也有大學釋義中庸讀說行世

卷易書自謂無愧同事察能到骨只緣要衝山童溪已辯釣竿一任興來臨水興罷登山其高曠如此

陳舜申字宋謨連江人七歲能屬文淳熙十一年進士歷衡陽帥誦教授遷知漣浦縣有惠政入爲著作郎轉對以正心任人爲先曾有忌者出督武彊冲而觀起參議淮閩未赴卒著易繼四書解渾灝發旨審是集兵書訂解南唐餘事高齋文集子德一

無餘貲所著有易傳發微橫舟文集諸子總解數百卷兄弟四人二爲州牧一爲縣令案世同龔推德門云

余鼎字若蒙自號淡軒記溪人登淳熙十一年進士任惠州二州教授進聖域記特授浙西倉幹復進皇朝職官志高宗政範差監樞密院激賞庫進資時十論伏闕上書論韓侂冑又上書力沮和議復爲古鑑錄以進又上書論邊事進天文類例枯象志改通直郎主管祠所著周禮解禹貢

李呂字濱老光澤人初從從父郁遊而又見朱熹于廬阜呂深于易每言易在識時權之以義苟非真知義之所在而善言變反害于易矣有周易義說及洛軒集十二卷子闕祖

閔祖字守約自號絢霄早受學家庭已而與其二弟同從朱熹講學篤志學問強力精思論議切實蓋置之西塾訓諸孫爲編中庸章句或問輯畧第嘉定辛未進士調靜江府臨桂簿提刑方信儒遣使陳孔碩咸咨以決臺事暇日詣學與諸生講解士習丕變辟古田令改廣西帥幹勒愼明恕諸司論薦爲改秩未赴卒黃幹李燾張治陳淳皆敬重之幹嘗祭以文種碑

蘇權字元中侍父洗官賓州因學于張栻淳熙中登第歷梧州推官調福州教授改秩知餘干縣終長州守有春秋解三卷子國台從潘炳講學

蘇權字元中侍父洗官賓州因學于張栻淳熙中登第歷梧州推官調福州教授改秩知餘干縣終長州守有春秋解三卷子國台從潘炳講學

黃幹字尚質福甯人師朱子著述甚富餘于經魯學德李鑑皆師之所著有五經講義四書紀聞官至直學

楊復字志仁長溪人朱子門人後又受業於黃勉齋陳師復稱其學間精

深服膺孝季貢西山知福州即郡學柳貴德堂以居之著祭禮十四卷儀

禮圖解十七卷又有家禮雜說附註二卷學者稱信齋先生

童伯羽字輩卿歙寧人沉懇寡言師事朱熹充然有得時學禁方厲遂閉

戶不出讀書樓上熹嘗造訪之名其樓曰醉經堂曰敬義由是以道自任

化行鄉里趨向彌眾時人稱敬義先生著四書集成孝經衍義五經訓解

性理發微玉溪吟晦庵語錄

鄭師孟字齊卿寧德人家貧力學六經註疏手自抄錄受業於朱文公之

門嘗著洪範講義以發明文公皇極辨之蘊問縣黃幹嘉其志妻以女學

者稱存齋先生萬姓統譜

福建儒林傳宋

陳思謙字退之龍溪人學問該博教授後學多所誘進嘗冠鄉薦著春秋

三傳會同及列國類編朱子喜之為語門人李唐咨以女妻焉

許升字順之別號存齋同安人有志聖賢之道朱熹薄同安升年十三即

從講學五年秋滿復從北歸嘉應其有得於內嘗書存齋二字授之使

匾書院復為之記臨別宿雲際寺熹送以詩至家熹兩與書微示養氣修

齊之意令校程氏語錄居家偕同志陳仲庸肄業淨隱寺又與石子重徐

元聘柯國材陳汝器王近思等友善後偏交四方之士若范伯崇廖德明

林擇之許敬之等或相過從或往來書問論道肄業所著有孟子說禮記

文收易解等書並湮滅無傳

方永字耕叟受業朱熹之門熹告以改過修己之方莫切於論語弟子人

則孝一章遂佩服不倦著大學講義

余復字子叔寧德人少從張翰學精於周官紹熙元年對策大廷光宗稱

其直而不訐拔置第一賜之詩寧宗即位詔入史館兼實錄檢討歸梓邑

南佳勝群園構軒賜詠其開著禮記類說左氏纂類

陳總龜字朝瑞建陽人居與朱熹鄰從熹遊熹嘗與書勉之問答不下百

餘章舉紹熙四年進士授永豐縣未赴卒著論語解大學儒行編

蕭里字元舉龍溪人以周禮名家著有經解數種受業者為聞人登慶元

二年進士調同安縣尉再調廣州教授卒楊仕訓銘其墓曰里與人交上

無詔下無押聞人善必極口稱譽若恐人不知其有不及必以理曉之使

自悟嗜學如飢也赴義如渴也聞者以為寶錄

熊節字端操初名汝舟字元用建陽人十歲日讀易二卦即力求通曉而

後止慶元五年進士以廷對條陳三德稱旨累官通直郎致仕著有中庸

解三卷智仁堂稿十卷又有性理群書

高頤字元齡寧德人祖昭嘗與陸游為詩友願經明行修從游者幾千人

以禮記魁鄉薦登慶三五年進士知永州東安縣居官臨民卓然有聲其

學以大學中庸為宗旨身行事一主誠實嘗曰吾身任大責重無天地生

福建儒林傳宋

物之功而有其心無經國子民之位而有其志著鷄窠叢覽百五十卷詩

集傳解三十卷詩文五百餘篇學者稱拙齋先生子伯謙嘗魁漕舉學行

醇正著古今事類二百卷集關洛諸公語為傳心直指十卷及一得錄愚

齋類纂等書

宋聞禮字叔履龍溪人嘉泰二年進士為叙州教授調化州知海陽縣有

易禮記詩解行世

黃龜朋字益甫德化人嘉泰二年進士除潮陽簿歷梧州推官廉州教授

所著有周易解

鄭文通字成叔閩侯人嘉泰甲子貢士開勉齋得朱子之學往師之既與

俱登朱子之門朱子命編次喪禮當觀周子太極圖悟性善之旨著有易

學啓蒙或問春秋集解喪禮長編庸齋集等書

許銳字少穎閩清人九歲日記萬言通於春秋父嘗對客言會戎於渚之

事銳從旁答曰諸侯非有天子之事向不得出會况會戎乎麟筆所書貶

之甚矣座客爲之愕然嘗謂廣濟曾顯出示義溪文集數十卷一日記誦無遺顯嘆曰一第恩子矣己而名場屢蹶主司每有眼迷日五色之嘆遂使聖言不酬亦無意場屋然歎曰吾將尚友終南神明逸派山林君復矣然而我不卽人而人卽我邦有君邑有大夫然而爭訟者造彥方之廬黨有庠州有序然而問字者過子雲之宅鄉隣有暮神仙者築室以爲祈禱歲時饒饒曰旱乾水溢則變置社稷勇撤而去識者避之有崇尚浮屠欲規其結爲連社銳曰此陶元亮所綴眉也但行好事何必荒於夷教哉族有荒塚廢祀百年雉榛剪棘而出之立爲祀典俾族人代掌不廢諸子相長各律員笈四方且曰吾非使汝爲司馬子長之遊也吾家萬山中聞見卑陋文章小技於道未尊吾聞建有朱學江有陸學浙有呂學汝輩蓋往求之爾等於是遠從師業成而歸各有得於科舉之外晚歲徜徉里閭後進之士考德問業者時造焉一日忽感微疾遂不起子三人長潤免解進士前英德府吏衡山長次逕以叩關上書補官故任漳州準節著述福建儒林傳宋

七

福建通志卷三八

有大慙焉尊德錄尙綱集藏於家次浴登仕郎 福州附志補

福州附志補

福建通志卷三八

林斐孫字子武古田人號蒙谷朱熹門人黨禁起學者更事他師惟斐孫從文公講論不輟又公易黃之際謂之曰道理只是如此但須做堅苦工夫嘉定中特奏名爲縣尉有書本義中庸章句并蒙谷集行於世丞相江萬里嘗從斐孫學爲序其集 八閩通志閩書

熊剛大建陽人少穎敏從蔡淵黃幹遊嘉定二年進士爲建安教授所著有詩經註解性理小學集解學者稱占溪先生 閩書

李方子字公暉光澤人初見朱子朱子謂曰觀子爲人自是寬過但寬大中要規矩和緩中要果決遂以果名齋長遊太學學官李道傳折官位輩行具刺就謁嘉定七年廷封眞德秀閱其卷喜曰此必老師宿儒之文欲擢首選同列以爲不合時宜乃置第三調泉州觀察推官適德秀來爲守以師友禮之嘗謂人曰公胸學遂而氣平本經術明世用事之大者余必咨而後行其見推重如此方子奉職浴勤暇則辨論經史至夜分不倦故

事秩滿必先通書廟堂乃降方子曰以書通是求也丞相史彌遠聞之不悅踰年始除國子學錄無何將選入官僚而方子不少貶以求台或告體遠曰此眞德秀黨也彌遠譴臺臣劾罷之方子既歸學者畢集危坐竟日未始傾側對賓客一語不妄發雖奴隸亦不加語焉然常嚴憚之嘗語人曰吾於問學雖未能周盡然幸於大本有見處此心常覺泰然不爲物欲所清兩起通判辰州尋卒與一子恩澤著有禹貢解傳遺稿諸等書行世第文字字公謹紹熙四年第進士亦從朱子遊歷知綿州三州治學講然在蜀二十年倡明道學蜀士宗仰之 湖廣總志道光舊志

熊慶甫字竹谷建陽人少受業於蔡淵後游眞德秀及劉旦之門潛心問學所著有禮通議春秋說學庸緒言心經集傳詩小紀史學提綱啟恩齋直方齋等編起庸齋在史館時嘗以所著三朝通略上聞旨下建郡抄錄且薦入館同預史事力辭不就 道南原委建陽縣志

黃績字德遠莆田人少凝重稍長力學慕舉子業慨然有求道之志始遊福建儒林傳宋

大

福建通志卷三八

莊新編參當世名儒中年還里聞陳宓潘柄從黃幹得朱子之學遂師事之與同志十餘人集陳氏仰止堂旬日一講宓柄卒績築東湖書堂於望仙門外請田於官春秋祀焉續約聚講如二師在時向之同門友又相與就正於績績以布衣爲鄉先生者垂三十年門人著錄以數百計先是郡守楊棟卽學宮建尊德堂以處劉彌卽彌卽卒其堂遂虛邦人相率推績繼之守佐博士皆加禮重涵江書院始賜額復以績兼山長績以獨不懼名齋所著有四書遺說晚聞趙以夫作易通與之上下其論以夫深服之兄縝亦以女學名登寶慶二年進士劉克莊目縝曰愛友目績曰畏友績卒前夕有星隕於書樓之西人以爲異子仲元 後村大全集黃四如集仲元字善甫少刻志讀禮洛陽關及父績所傳潘陳二家書自取邵雍善人吟以四如爲號績喜曰難能但勿過歇斯稱耳績撰近思錄義類未脫稿仲元日夕刪補同邑方登孫極器賞之咸淳七年登進士第對策直言忤時相實第五甲調監瑞安府比較務需次未上陳文龍延於二劉祠一

月兩講為學者師九年梓樞考類試歸過南劍州適江萬頃為南劍守留
之郡齋未幾萬頃見萬里招至芝山講學聲譽動一時德祐元年始之官
明年與發樞樞秀夫至自平江一見如舊炙爛對酌劇談達曙及聞杭州
陷乃歸秀夫趣仲元赴行都充益王府撰述官兼處置使司幹辦公事景
炎元年改刑工二部架閣以通直郎陞武學教諭轉朝奉郎兼福建路招
捕使司都轉議官仲元雖屢膺超擢然未嘗供一日職升斗不批卷牒曰
斯時而貽殿而恥也秀夫拜樞密使將有異除仲元力以母老辭宋亡歸
隱山中不與世接更其名曰淵字天叟併改四如之號以韻鄰聲發安
為補卒年八十有二著有四書講義經史辨疑四如文集仲元說經聞與
先賢異同學文必櫟弓穀梁艱深不可句讀入閩通志閩書道光舊志

林萬頃字叔度福清人有詩易春秋解同縣夏良規字遵矩有六經語孟
解入閩通志

蕭山一名石沙縣人舉端平二年特科仕長溪丞性穎敏究極義理所著
福建儒林傳宋

有讀詩傳論語講說讀易管見入閩通志

邱富國字行可建安人嘗受學朱氏之門人淳祐七年登第為瑞陽劍判

宋社既屋遂不仕著周易輯解十卷經世補遺三卷易學說約五篇發明

宋氏宗旨入閩通志

黃以翼字宗白永春人嘗受業陳北溪蔡白石之門莊毅有立析理精詣

暮年記問益富所著有周易禮說道南原委

黃公紹字直翁號在軒邵武人咸淳元年進士隱居樵溪編輯古今音韻

而附以說文號曰韻會東越文苑

熊禾一作字位辛一字去非又曰退齋勿軒其號也建陽人幼而有志濂

洛關之學師事朱子門人輔廣鉤致經傳沉潛天人道德之蘊博通五

經遍覽諸子百家旁及醫卜陰陽之秘下筆成文追蹤韓柳咸淳十年登

進士第授寧武州司戶參軍時四方釋騷道梗未赴宋亡遂不仕東書入
武夷山築洪源書室講學其中四方來學者雲集糲食調飲日以孔孟之

允
福建通志
總卷三八

道相磨礪於朱子之書是信是行江西謝枋得聞禾名遠道相訪及見共
訴宋亡之恨抱持而哭因相與講論夫子之道契合不能卒別留數月始
去新安胡庭芳素明易學亦挾道相訪退自歎不如乃頻年就之講論歷
芳之學益以明禾在武夷間十二年乃歸故山創鰲峰書院祀先師以周
程朱張五子配而邵馬不與焉益肆其力於六經謂朱子一生精力在易
與四書詩僅完稿尚書開端而未及竟雖九峰蔡氏亦未大暢厥旨三禮
雖有通釋缺略尚多勉齋黃氏信齋楊氏祖完齋祭二書而受授損益精
意竟無能續者春秋則不過發其大義而已又謂周官六典原不跌當復
其舊儀禮十七篇當附以禮記傳義春秋敘綱目例以左氏書讀其事以
公穀經胡諸家之說足其義乃於易詩書春秋自為之集疏每經取一家
之說為主而衷眾說以為之疏胡氏同鄉禾未發義理明暢六經
之義如指諸掌復著小學四書集解以為之序禾禮翰墨全書其他農禮
兵刑皆有撰述感世俗葬祭者多為異端所蠱禾正以聖道勒成一帙以
福建儒林傳宋

解其感嘗取朱子諸書擇其精要者為一編名曰文公要語晚年更修三

禮通解將脫稿以疾卒學者稱勿軒先生生平著作多亡於兵燹其行於

世者有春秋通解大學廣義易講義書說四書標題三禮攷異生前嘗作

文公孝亭書院記有云周東遷而夫子出宋南渡而文公生禾初擴所居

為龍氏家祠以門對雲谷寓朱熹沒而道之傳在已遂區其家塾為雲谷

書堂在崇安建長林書院至元中徵聘者一州府辟請者三皆引疾不起

皇慶元年十二月二十九日卒年六十歲葬於鰲峰之橫歷從祀文公之

祠予二曰龍曰崇曰鰲龍崇鰲傳授勿軒行狀周書田宋書史藥房書歷代名

熊宋建陽人寧武州參軍入元不仕著易講義書說萬姓統譜

鄭儀孫建安人號屏屏從邱富國學易咸淳淳安內應賢良舉又明年少帝

北行儀孫退而著書易圖說群解大學中庸章句史學蒙求箋註性理字

訓郡守吳某率幕屬迎于學師事八閩通志

丘葵字吉甫同安人居海嶼中號釣磯先生有志孝弟從從

繼從信州吳平市檢春秋親炙呂大圭洪天錫之間最久風度端凝如立

鶴振駑壯門顯學著易解義書直解詩詞義春秋通義四書日講經世書

著述多無傳者門人呂椿字壽之晉江人終身不仕授從自給清貧微骨

著春秋精義詩書直解禮記解

八閩通志道南原委

陳普字尚德號樵齋寧德人居石堂山稱石堂先生淳熙間朱子常過其

地望其風土曰數十年後當出儒者能讀天下書淳祐中辰善生鵬鵠數

百經屋稍長聞韓翼甫倡道浙東遂往從之韓學自勸廣朱門高弟也

宋亡朝廷三辟本省教授不應以斯道自任四方來學者咸數百人丞相

劉敏中屬修黃楊二家喪祭禮因並朱子所纂爲十登貢極詠太極之旨

晚在莆中造就益眾出其門者如韓信同楊院全齋黃義章並爲正學所

宗嘗曰性命道德五常誠敬等字在四書六經中如斗極列宿之在天五

嶽四瀆之在地舍此不求更學何事謂三代之治莫善於井田著有周易

福建儒林傳宋

三

總通志

卷三八

鮮尚書補微四書六經講義以及聲律天文地理算數之書凡數百卷闕

書閱文振撰傳道南原委

陳經字正甫福安人官終奉議郎泉州泊幹齋嗜書史成益後學有書解

五十卷及詩講義存齋語錄行世

閩書

林子雲字質夫福安人除融州教授潛心聖學躬行實體著易說十卷

陳宏甫因入宋末徙居華亭以儒業起家選于易嘗著易象發揮易通

言童子問

松江府志

福建儒林傳卷三

元

韓信同字伯循號古遺寧德人少攻駢儷壯受業陳普之門自是刊落華

藻發明禮學典彙得要如据交特牲禮器覓琮十有二旒辨天子無前後

二十四旒之理以古者衣鳥獸皮毛逸禮知天文者冠鵲知王制有虞服

皇非羽羽也以小司徒攷夫厘知載師厘粟與夫家之征夫家不可分爲

二也以大司徒諸地方五百里其食者半諸侯地方四百里其食者參

之計之皆方百里六里有奇出車千乘知舊說方百里出車千乘之

非也以書傳周人路駟之制宮室二維知舊說明堂之室止丈八尺不宜

反狹也以呂古制考諸證樹制以玉藻宿齋戒居外廢證卿大夫

有一寢以喪大記大夫世婦卒于適寢內子未命則死于室遷尸于寢

證卿大夫妻亦有寢以上喪禮士死適室朔月若薦新則不饋於下室

諸大夫十有一室以內則妻抱子出自房當相證房之不在相下以書大

福建儒林傳

一

總通志

卷三八

援据明通爲有

解集史類纂及詩

郭陸字德基長樂人山德十年卒私誼純德先生世明經號書

慶郎家父正子

存齋先生學幼從母材力負節用以教育之陸亦自奮厲於書無不讀尤

深經術弱冠已爲人師宋咸淳中補太學博士弟子員國亡居鄉講學至

元中郡舉遺逸授泉州書院山長遷興化教授秩滿丁母艱服除改吳江

州教授代還邑長風執弟子禮相從問學方議建精舍於六平山是年冬

所居屋宇偏所植梅忽稿陸見之微笑明年春再調興化未行屬清明歷

造隣曲親舊歸課童僕覓葵栽兩兩植庭下至夕無疾卒有易述四書地

梅西集名若干卷性愛梅既葬其子於墓所偏山皆植梅陸冬花開遙望

如積雪閩海廉訪使程鉅夫題其墓曰純德先生之墓又表其阡曰梅阡

云子殿由太子太傅府長史出知靖州雪樓集

敦繼公字君善長樂人通經長於禮學以儀禮鄭康成舊注未備取賈君彥疏及先儒說補其闕附以己見名曰集說元大德中寓居湖州烏程築一小樓足不下梯惟事經史湖之名士從之遊者甚眾趙孟頫嘗師事之初仕定成尉以父任當補京官讓與其弟尋擢進士對策忤時遂不仕江新平章事高彥敬薦授信州教授命下而卒所著有文集二十卷兩浙名賢錄萬姓統譜元儒言行錄

黃鎮成字元鎮邵武人弱冠即慨然以道學自勵至正延祐間築南田耕舍作詩寫懷部使者相繼論薦授江西儒學提舉命下而卒諡曰貞文處士所著有尚書通考周易通義中庸章句性理發蒙秋聲集自號存子學者稱存齋先生詩名甚著八閩通志

梁益字友直又號庸齋本福州人遷居江陰博洽經史工文辭其教人以變化氣質為先學徒不遠千里從之所著有二三山稿詩緒餘史記姓氏纂福建儒林傳元

又有詩傳旁通十五卷凡朱子集傳所引故實一一引據出處辨析原委是是非非絕無堅持門戶之習元史陸文圭傳

李應龍字玉林光澤人至元間薦為白鹿洞書院山長不赴尋薦漳州路教授亦不赴所著有春秋纂例孝經集註四書講義八閩通志

李學遜邵武人宋丞相綱九世孫博學洽聞善天文尤邃於易所著有易精解中星儀象等圖八閩通志

福建儒林 何卷四

明

方解字源深莆田人正統己未進士授行人解時年踰五十未幾致仕歸抱經安貧不入城市自贊云寄足迹於風月園林託精神於古今傳注學者稱為柳東先生卒年八十二解尤邃禮學嘗歎文公家禮一書諸儒注釋而去取或晦朝代遷改而冠服不同於是著旁訓附列圖於首條析於下莆田自徐資茹家冠婚喪祭悉依家禮而行著為規範至海又考論服誦春秋家祭不事俗禮吉凶慶弔抑奢從儉鄉人化之道光舊志

周瑛字梁石初號家中子後稱翠渠先生漳浦人其先世洪武間自莆田調成於邑之鎮海衛因家焉瑛成化己丑成進士知廣德時州著祠山雜辨以戒民尙鬼者教民雜錄令民葬祭循禮經毋或溺殺子女黃巖王叔英靖難時死於廣德特修其墓有道士作法令童子舞瑛於樹葉置童子懷戒曰汝第舞墜則咎汝道士百計行法童子凝然不動蓋心有所守故福建儒林傳明

也十四年賜勅旌異滿九載遷南京禮部郎中出知撫州府與水利第輪納力行保伍之法先是瑛族兄瑛亦知撫州有遺愛人因呼大小撫州云居五年移知鎮遠秋滿省親歸弘治初起四川參政進右布政使母喪服除遂引年致仕孝宗嘉之詔進一階正德中卒年八十七瑛從陳真晟談程朱之學友新會陳獻章義州賀欽同郡林雍上下議論獻章學主靜嘉魚李承箕得其傳謂靜則心虛心虛則理見視六經若土宜視形骸若仇敵視聖人禮義之防若束縛瑛移書讓之曰學之要先收放心收放心居敬是也居敬則心存聰明睿智皆由此出然後可以窮理所謂窮理者非謂靜守此心而理自見也自六經之奧以及天地萬物之廣皆不可不求其理積參既多自然融會貫通而於一本者亦自得之矣自作墓志言於居官行已頗知畏天命年八十餘郡守某聘修漳州府志卒贈侍郎著經世管鑰律呂管鑰博探諸說作字書管鑰子大謨博學能文登正德甲戌進士會試第二人閩書明史國琛集道南原委

蔡清字介夫晉江人父觀慧字允元里居與者舊為逸樂會清成化丁酉鄉試第一入國子監祭酒邱潛獨重之謂學醇行潔可以進之古人甲辰成進士乞假歸講學僧寺是時正學稀曠清與楊廉丁璣寧堅江朝東諸人相砥礪而清獨深造他日為其母寫像母曰吾聞母以子貴今汝成進士矣吾猶舊巾幘促起選得禮部祠祭司主事按名山藏林希元弘治元年王恕長吏部重清調稽勲主事會彗星見上疏曰天道玄遠然以目前事計之敵勢方張而吾禦之無具數十年來紀綱日廢士風日弊民力日屈故今日急務在朝廷之紀綱其本乃在邊境何謂紀綱前歲清寧宮災皇上躬自修省誠諭羣臣各陳時務於是兩京科道請以李廣所受朝士賄賂簿書按行黜罰此固修省之大節目也乃公論所指目某為姦之首某為佞之魁竟晏然朝端其所貶逐以應天變者僅言事御史一人耳即此一事皇上所親見而切齒者臣下猶能巧計嫻縫況於其他何所不眩惑哉故皆謂罪可計免何用惴惴懷刑謂功可權得何用孜孜從事苟可

福建儒林傳

明

福建通志卷三八

利身家即百姓之填委溝壑弗暇恤也君父大事之所繫不暇顧也士風如此民力之屈尚忍言哉今士民貧者無立錫之地而官廩所養宅舍擬於公侯金銀動以萬計皆萬民膏脂所萃也朝廷錙銖取於民以為士馬之資者乃充物於庸將之家轉輸於權倖之門於是兵弱不能衛民敵膽一至而邊民身家俱盡矣抑豈惟邊境為足虞前世草莽英雄往往乘間而起蓋士風弊則人才乏民力屈則兵力弱今日天下大勢皆然若夫紀綱根本所在則又在於人主之一心必明理而後心可正必講學而後理可明其指要不外乎真氏大學衍義人主但當以日講經筵凡深宮燕居之際皆當誦服務使其言浸漬融化於心而時出迭見於應物之間然後理明心正而天下事可無俟多言矣又薦劉大夏等三十餘人於恕恕皆用之時有唐吉士鄒智以危言傷時宰相廷怒下之獄將處以極刑舉朝驚懼度惟刑部尚書何喬新為能解眾以清為喬新所知即之諫清為言於喬新喬新上疏救之得不死謫嶺南清作詩送之死又以詩哭之其事

尤為時論所重補祠祭司員外郎乞便養改南京文選郎中一日心動急乞假歸養父歸甫兩月而父卒人謂孝感所致自是家居教授每遇親忌輒痛哭不御酒內正德改元即家起江西按察副使領提學道修白鹿洞規以德行道義教學者而時時激勸之舒勞夏長勝鄒守益皆出其門寧王宸濠驕恣遇朔望諸司先朝王次謁文廟清同日行禮先謁廟而後朝王王生辰令諸司以朝服賀清曰非禮也去徹膳而入王憤不悅一日王宴諸司嘲諷曰君乃不能作詩清對平生與人無私蓋詩與私音通王益銜之欲誣以誡詔旨清乞休去性好山水暇則攜諸生山游裏糧數百里或經月而反頗用券書遷高祖以下四世墳曰此吾百年以後事也時劉瑾專權欲引名士以厭人心不數月用蔡京召楊時故事起清南京國子祭酒命甫下而清已卒清體素羸多病湯藥恆不離至是自知將盡召門人故友與別謂之曰吾平生志慕古人如賈誼諸葛孔明輩皆年未四十做出許大事業今吾年過五十而功業不建上負天地中負朝廷下負

福建儒林傳

明

三

福建通志卷三八

祖宗此吾所以羞也言訖瞑目而逝時正德三年也年五十六學初王靜後王虛謂天下之理以虛而入亦以虛而應故以虛名齋賞為密箴不以示人積久至五十餘條皆自為秘錄之語其言曰宋末諸儒割裂裝綴取伊洛遺言以資科舉元儒許衡吳澄虞集輩務張大其學術自謂足繼道統其實理不精而失之疏略本朝宋濂諸人雖屢自辨其非文入其實不脫文人氣習於經傳鮮有究心也又言吾居閩南一念及燕北神即在燕北其居燕北也亦然可見天地之神之在我善用之則窮天地之秘授聖賢之蘊達古今之變而無不之也故定此心於靜密以立之本運此心於思索以致之用剖析義理入於毫芒錯綜羣書歸於一致蚤歲聲立已有聞於士大夫中年僉楚仕途一時名公鉅卿無不咨容禮之與論天下治俗之隆汗文章之高下道學之邪正古今心術之公私一以義理斷之精深剖切聞者瞿然家貧樂施為族黨所依賴門人貧者常衣食之口天地開物當與天地間人共之先以易名家從清受易者履恆滿戶泉州人言

易皆出其指授嘉靖八年其子存遠以所著家引進於朝特詔頒行又有新續家引河洛太極圖說綱目隨筆密藏文集等作萬曆中追諡文莊贈禮部右侍郎清雍正二年從祀文廟其門人工宣陳琛易時中蔡烈林同趙遂及泉郡人遊清門者黃達黃正黃鉞楊孟洪尤復陳矩吳銓黃物備諸人並知名

林希元撰行畧國琛集閩書明史道南原委道光舊志
李文利字乾遂莆田人成化庚子舉人歷桂陽教諭思南教授所著有律呂元聲兄元為序曰樂者古昔聖帝明王所甚重也至周情文大備律呂度數人習知奏去周未遠猶有存者六籍既焚樂經湮喪其制遂亡漢儒撥拾煨燼莫知適從河間獻王與毛生共採周官及言樂事者以作樂記亦不言制樂之度至司馬遷止因九寸之文遂以九寸為黃鍾之管不知為黃鍾之變積數之極也漢解亦以變數之極為準非黃鍾之始也執梧子月一陽之始可以九寸之老當之乎歷晉魏周齊隋唐五季講者愈多而法愈亂宋建隆之後雖亦致意而和峴胡瑗阮逸李照范鎮魏漢津

福建儒林傳明
四
福建道志
劉几陽傑之議終不能相一至葵季通雖稱近世所未講無一字不本於古人已試成法然以九分為寸變律半聲三分損益上生下生務尋隔八仲呂而窮往而不返甚為未當大抵踵遷之失余第兩山文利雅好古樂力搜遠取乃得劉恕通鑑外紀長孫無忌隋志呂氏春秋所載黃帝命伶倫取竹制律斷兩節間三十九分而吹之以為黃鍾之官曰含少因而究之積以歲月推原本根條理通貫清濁攸序始終相生天人之道昭合無間遂以三分九寸為黃鍾一陽之始積滿九寸為蕤賓老陽之極二律為經十律為緯左右對待俱得數一百二十九分三分損益隔八相生室圖可定非襲儒先之舊業實得天數之自然劉恕無忌能存度於羣迷之時豈心有所見而獨得耶抑天惜樂之亡特存其迹以待知者復之歟顧續史者反刪而以九寸為黃鍾之真樂此而不之究可歎也是書作於桂陽教授思南猶未脫稿病劇命姪岳鴻錄之甫成而逝乃絕筆也倘得識樂君子相與議之究此聲氣之元太古之樂可復太利之治可致而余第

一得之愚不虛矣楊廉稱文利所著書天授獨見歸鼎御史范永鑾以聞於朝情無通其解者
李聰字敬德晉江人為諸生時著易經外義發凡剏要鑑斷若干篇葉南手標之曰大眼目也舉鄉試讀書國子監邸君為祭酒器之時世史正綱初落葉遂手授之弘治庚戌成進士宴禮部時主司楊守誥特贊曰楊屋如公者是有數文章版庶吉士授檢討尋出為雍府長史史改吉府前後皆王以講學法祖進賢遠俗章凡敷上既以母老乞歸正德初劉瑾獲害家居遠限者輩罷之聰亦在罷中尋有詔起用竟不赴鄉人稱曰古李先生陳琛字思獻晉江人資稟朗邁杜門篤學不苟同家自蒸清以理學教人由場屋舉業引而入於聖人之道採年稍後自以意為朱子之學清見其文於李聰所嗟異久之聰曰此吾徒也清曰吾得友此人足矣琛乃介聰兒清清曰吾所發憤沈潛辛苦而僅得者以語人常不解子已盡得之今日盡以付子矣清提學江西請與偕行歸而講學學宮旁及月臺寺四方

福建儒林傳明
五
福建道志
從遊者甚眾琛之言曰道一也無高深無大小無微顯遠近精粗常變同異自吾人所見則有高深大小微顯遠近精粗常變同異之殊此所以有難知有易知有可以語有不可以語苟能一旦豁然則剛風上轉不為高南極下入不為深茫茫載地不為大涓涓穿石不為小鬼神屈伸往來不為微草木榮悴開落不為顯隱乎四海九州不為遠致慎乎閨門戶席不為近聖賢制禮作樂之本不為精粗子淵歸應對之節不為粗周公諫兄不為不第石錯殺子不為不慈大禹之家傳不為德衰於堯舜湯武之放伐不為得罪於夷齊許氏之主靜不為辟周陳漢專授太極於二程不為私學二程不授太極於諸子不為各教蓋太極運然事物物無不各具吾人耳目所見有常有常心思所觀有得有得不得此高深大小顯微遠近精粗常變同異所由分而學者之從入不容無難易教者之指引不容無差等也其所記述以授弟子則有四書易經淺說二書其族弟讓謂清所著家引得聖學精深開有意到而言或未到及其所獨到則可發朱

開物當與天地間人共之知以易名家從清受易者有周性清吳月